

御定全唐詩目

第四函

第九冊

韓滉

竇蒙

張濯

王綽

鄭錫

古之奇

李陽冰 共一卷

嚴維

一卷

○ 顧況 四卷

御定全唐詩

韓滉

韓滉字太沖少帥休之子以蔭補騎曹參軍至德初青
齊節度鄧景山辟爲判官授監察御史累遷吏部員外
郎大厯中改郎中擢尚書左丞德宗朝爲江淮轉運使
加同平章事工書兼善丹青詩二首

晦日呈諸判官

晦日新晴春色嬌萬家攀折渡長橋年年老向江城寺
不覺春風換柳條

聽樂悵然自述

一作病中遣妓
一作司空曙詩

萬事傷心對管弦

一作在目前

一身含淚向春煙

一作憔悴
對花眠

黃金

用盡敎歌舞留與他人樂少年

竇蒙

竇蒙字子全肅宗時試國子司業兼太原縣令詩一首

題弟泉述書賦後

泉官檢校戶部員外郎富詞藻精草隸嘗製述書賦論書家起史籍迄唐至德二百

九十八人并及署證印記徵求保衛等事總七千六百四十言泉亡蒙題賦云

受命別家鄉思歸每斷腸季江留被在子敬與琴亡吾弟當平昔才名荷寵光作詩通小雅獻賦掩長楊流轉三千里悲啼百萬行庭前紫荆樹何日再芬芳

張濯

張濯登上元進士第詩二首

迎春東郊

顓頊時初謝司芒令復陳飛灰將應節實日已知春考
厯明三統迎祥受萬人衣冠宵執玉壇墀曉清塵肅穆
來東道回環拱北辰仗前花待發旂處柳疑新雲歛黃
山際冰開素滙濱聖朝多慶賞希爲薦沈淪

題舜廟

古都遺廟出河

一作山瀆

一作汾萬代千秋仰聖君蒲坂城邊長

逝水蒼梧野外不歸雲寥寥象設魂應在

一作老寂寂虞篇

德已聞向晚風吹庭下柏猶疑琴曲韻

一作咏南薰

王綽

王綽登上元進士第詩一首

迎春東郊

玉管潛移律，東郊始報春。
鑾輿應寶運，天仗出佳辰。
睿澤光時輩，恩輝及物新。
虬螭動旌旆，煙景入城闔。
御柳初含色，一作搖日龍池漸啟津。
誰憐在陰者，得與蟄蟲伸。

鄭錫

鄭錫登寶應進士第，寶歷間爲禮部員外。詩十首。

邯鄲少年行

霞鞍金口騶，豹袖紫貂裘。
家住叢臺近，一作下門前漳水流。
喚人呈楚舞，借客試吳鉤。
見說秦兵至，甘心赴國讐。

隴頭別

秋盡初移幙，霜寒一送君。
據鞍窺古堠，開竈蕪寒雲。
登隴人迴首，臨關馬顧羣。
從來斷腸處，皆向此中分。

度關山

象弭插文犀，魚腸瑩鸛鷀。水聲分隴咽，馬色度關迷。曉
幕胡沙慘，危烽漢月低。仍聞數騎將，更欲出遼西。

出塞

關山落葉秋，掩淚望營州。遼海雲沙暮，幽燕旌旆愁。戰
餘能送陣，身老未封侯。去國三千里，歸心紅粉樓。

玉階怨

長門寒水流，高殿曉風秋。昨夜鴛鴦夢，還陪豹尾游。前
魚不解泣，共輦豈關羞。那及輕身燕，雙飛上玉樓。

千里思

渭水通胡苑，輪臺望漢關。帛書秋海斷，錦字夜機閑。旅

夢蟲催曉邊心雁帶還惟餘兩鄉思一夕度關山

襄陽樂

春生峴首東先煖習池風拂水初含綠驚林未吐紅渚
邊游漢女桑下問龐公磨滅懷中刺曾將示孔融

送客之江西

乘輶奉紫泥澤國渺天涯九派春潮滿孤帆暮雨低草
深鶯斷續花落水東西更有高唐處知君路不迷

望月

高堂新月明虛殿夕風清素影紗窗霽浮涼羽扇輕稍
隨微露滴漸逐曉參橫遙憶雲中詠蕭條空復情

出塞曲

校尉徵兵出塞西、別營分騎過龍

一作龍

溪沙平虜跡、風吹

盡霧失烽煙、道易迷、玉靶半開鴻已落、金河欲渡馬連

嘶、會當繫取天驕人、不使軍書夜刺

一作到

聞

古之奇

古之奇登寶應進士第、嘗爲馬燧辟置幕府、李端有詩贈之、詩一首

秦人謠

微生祖龍代、却思堯舜道、何人仕帝庭、拔殺指佞草、姦臣弄民柄、天子恣衷抱、上下一相蒙、馬鹿遂顛倒、中國旣板蕩、骨肉安可保、人生貴年壽、吾恨死不早

李陽冰

御定全唐詩

四

鄭錫

古之奇

李陽冰

四

雙峰書室

四

四

四

四

四

四

四

四

四

李陽冰字仲溫，趙郡人。李白之從叔。寶應元年，爲當塗令。白往依之，曾爲白序其詩集。官將作少監，工止篆書詩一首。

阮客舊居

阮客身何在，仙雲洞口橫。
人間不到處，今日此中行。

御定全唐詩

嚴維

嚴維字正文、越州山陰人、至德二載進士、擢辭藻宏麗、科調諸暨尉、辟河南幕府、終祕書省校書郎、與劉長卿善、詩一卷

酬耿拾遺題贈

掩扉常自靜、驛吏忽傳呼、水巷驚馴鳥、藜床起病軀、顧身悲欲老、戒子力爲儒、明日公西歸、一作去煙霞復作徒

酬王侍御西陵渡見寄

前年萬里別、昨日一封書、郢曲西陵渡、秦官使者車、柳塘薰晝日、花水溢春渠、若不嫌雞黍、先令掃弊廬

酬劉員外見寄

蘇耽佐郡時。近出白雲司。藥補清羸疾。窗吟絕妙詞。柳塘春水慢。一作漫花塢夕陽遲。欲識懷君意。明一作朝朝訪檝師。

同韓

韋

員外宿雲門寺

小嶺路難近。仙郎此夕過。潭空觀月定。澗靜見雲多。竹翠煙深鎖。松聲雨點和。萬緣俱不有。對境自垂羅。

酬諸公宿鏡水宅

幸免低頭向府中。貴將藜藿與君同。陽雁叫霜來枕上。寒山映月在湖中。詩書何德名夫子。草木推年長數公。聞道漢家偏尙少。此身那此一作比訪芝翁。

送薛尙書入蜀

一作朝

卑情不敢一作可論拜首入一作手立轅門列郡諸侯長登朝入座
尊凝筵臨水發行旆向風翻幾許遺黎一作民泣同懷父母
恩

送李秘書往儋州

魑魅曾爲伍蓬萊近拜郎臣心瞻北闕家事在南荒莎
草山城小毛洲海驛長玄成知必大甯是泛滄浪

送人入金華

一作贈別
東陽客

明月雙溪水清一作春風入詠樓昔一作少年爲客處今日送君
遊

送崔峒使往睦州兼寄薛司戶

如今相府用一作重英髦獨往南州肯告勞冰水近開漁浦

出雪雲初卷定山高木奴花映一作發桐廬縣青雀舟隨白
露濤使者應須訪廉吏府中惟有范功曹

送房元直赴北京

猶道樓蘭十萬師書生疋馬去何之臨岐未斷歸家目
一作日望月空吟出塞詩常欲激昂論上策不應憔悴老明
時遙知到日逢寒食彩筆長裾會晉祠

荆溪館呈丘義興

失路荆溪上依人一作仁忽暝投長橋今夜月陽羨古時州
野燒明山郭寒更出縣樓先生能館我無事五湖遊

一公新泉

一作題靈一上人院新泉

山下新泉出泠泠北去一作比法源落池纔有響噴一作漬又作濺石未

成痕獨映孤松色殊分衆鳥喧唯當清夜月一作月夜觀此

啓一作禪門

奉試水精環

一本無奉試二字

王室符長慶環中得水精任圓循不極見素質仍貞信
是天然瑞非因樸斲成無瑕勝玉美至潔過冰清未肯
齊珉價甯同雜佩聲能銜任黃雀亦欲應時明一作鳴

自雲陽歸晚泊陸澧宅

天陰行易晚前路故人居孤棹所思久寒林相見初閑
燈忘夜永清漏任更疎一作餘明發還須去離家幾歲一作歲餘除

九日陪崔郎中北山讌

上客南臺至重陽此會文菊芳寒露洗杯翠一作楓葉夕陽曛

卸定全唐詩

四凶嚴維

七
雙峰書屋

務簡人同醉溪閑鳥自羣府中官最小唯有孟參軍

留別鄒紹劉長卿

中年從一尉自笑此身非道在甘微祿時難一作輕耻息機

晨趨本郡府晝掩故山扉待見干戈畢何妨更採薇

書情獻相公

一本獻下有劉字

年來白髮欲星星誤却生涯是一經魏闕望中一作來何日

見商歌奏罷復誰聽孤根獨棄慙山木弱質一作植無成狀

水平今日更須詢哲匠不應休去老巖扃

贈送朱放

昔年居漢水日醉習家池道勝迹常在名高身不知欲一作久依天目住新自始甯移生事曾無長惟將白接靈

剡中贈張卿侍御

辟疆年正少公子貴初還早列月一作何卿位新參柱史班

千夫馳驛道駟馬入家山深巷烏衣盛高門畫戟閑透

迤天樂下照耀剡溪間自賤遊章句空爲衰草顏

贈萬經

萬公長慢世昨日一作夜又隳官縱酒眞彭澤論詩得建安

家山伯禹穴別墅小一作少長干輒有時人至窗前白眼看

書情上李蘇州一本州下有大夫二字

東土苗人尙有殘皇皇亞相出朝端手持國憲羣僚畏

口喻天慈百姓安禮數自憐今日絕風流一作塵空計往年

歡誤著青袍將十載忍令一作來漁浦却垂竿